

Հայաստանի Հանրապետության մշակույթի նախարար
տիկին Հասմիկ Պողոսյանին

ՀՀ քաղաքացի
Արմեն Ալավերդյանից

ԴԻՄՈՒՄ

Հայաստանի Հանրապետության մշակույթի նախարարին կից հասարակական
խորհրդի կազմում ընդգրկվելու վերաբերյալ


Ես՝ Արմեն Ալավերդյանս, մասնագիտությամբ ջութակահար եմ, Ոսկե մեդալով
ավարտել եմ Չայկովսկու անվ. դպրոցը և Կարմիր դիպլոմով՝ Երևանի Կոմիտասի
անվ. պետական կոնսերվատորիան: Ժամանակին բազմաթիվ ելույթներ եմ ունեցել
Հայաստանում և արտերկրում: Հաշմանդամության պատճառով դադարեցրի իմ
գործունեությունը որպես ակտիվ մենակատար, սակայն շարունակեցի
մասնագիտորեն ընդգրկված լինել երկրի մշակութային կյանքում:
Մասնավորապես, դեկավարել եմ հաշմանդամություն ունեցող անձանց
մասնակցությամբ մշակութային ծրագրեր՝ նվիրված երկրաշարժի 20-ամյակին
(Երևան-Գյումրի-Վանաձոր), «Էրեբունի-Երևան» և այլն:
Գործունեությանս կարևորագույն մասերից է միջազգային մրցույթների դափնեկիր՝
«Փարոս» կամերային երգչախումբը, որի տնօրենն եմ հիմնադրման՝ 1993 թվականից:
Երգչախումբը ձեռք է բերել մեծ ճանաչվածություն Հայաստանում, ԼՂՀ-ում և
արտերկրում: «Փարոսը» հյուրախաղերով հանդես է եկել Վրաստանում, Լիբանանում,
Անգլիայում, Իտալիայում, Ֆրանսիայում, Ավստրիայում: Երգչախումբը դարձել է 3
միջազգային մրցույթների դափնեկիր՝ Սլովակիայում (2011թ, երկու բրոնզե դիպլոմ),
Գյումրիում («Վերածնունդ», 2014թ., արծաթե մեդալ) և Լատվիայում կայացած
«Երգչախմբերի համաշխարհային խաղերին» (2014թ., երկու արծաթե մեդալ):
Որպես «Ունիսոն» ՀԿ ղեկավար, ես ակտիվորեն ներառված եմ մշակութային
ծրագրերում, նպատակ դնելով հաշմանդամություն ունեցող անձանց համար
պայմաններ ստեղծել այցելելու մշակութային օջախներ և ապրել ակտիվ
մշակութային կյանքով: Կազմակերպել եմ հաշմանդամների ձեռքի աշխատանքների
բազմաթիվ ցուցահանդեսներ և նմանատիպ այլ միջոցառումներ: 2011թ.-ին
պարգևատրվել եմ ՀՀ մշակույթի նախարարի Ոսկե մեդալով:

Հաշվի առնելով վերոնշյալը, խնդրում եմ Ձեզ ընդգրկել ինձ Հայաստանի
Հանրապետության մշակույթի նախարարին կից հասարակական խորհրդի կազմում:
Կարծում եմ, որ իմ մասնակցությունը Խորհրդի աշխատանքներին կնպաստի
Խորհրդի առջև դրված խնդիրների և նպատակների իրականացմանը:
Աողիր՝ իմ գործունեության մի քանի ֆոտովկայություններ:

Հարգանքով՝



/Արմեն Ալավերդյան/



06 Մայիսի 2016թ.

Հեռ. 077-77-42-77, 055-77-42-77

Երևան, Արշակի 11/3 բն. 172.

